



詩紀卷之二十四

晉四

陸機

字士衡吳郡人大司馬抗之子也少有奇才領父兵為牙門將吳亡入洛太傅楊駿辟為祭酒

書郎

趙王倫輔政引為參軍大安初成都王穎等起兵討長沙王又假機後將軍河北大都督因戰

敗績

為穎所害○詩品曰陸機詩其源出於陳思

才高

辭贍舉體華美氣少於公幹文劣於仲宣尚

規矩

不貴綺錯有傷直致之奇然其咀嚼英華厭

張公歎

其大才信矣

樂府

春戰蘭以味若來日苦默去日苦身今知

短歌行

以下

四言

奇

置酒高堂悲歌臨觴人壽幾何逝如朝霜時無重至華
不再揚蘋以春暉蘭以秋芳來日苦短去日苦長今我
不樂蟋蟀在房樂以會興悲以別章豈曰無感憂爲子
忘我酒旣旨我肴旣臧短歌有詠長夜無荒

秋胡行

道雖一致塗有萬端吉凶紛藹休咎之源人鮮知命命
未易觀生亦何惜功名所歎

隴西行

我靜如鏡民動如烟事以形兆應以象懸豈曰無才世

鮮興賢

日出東南隅行

或曰羅敷豔歌
以下五言

扶桑升朝暉照此高臺端高臺多妖麗濬房出清顏淑
貌耀皎日惠心清且閑美目揚玉澤蛾眉象翠翰鮮膚
一何潤秀色若可餐窈窕多容儀婉媚巧笑言暮春春
服成粲粲綺與紈金雀垂藻翹瓊佩結瑤璠方駕揚清
塵濯足洛水瀾藹藹風雲會佳人一何繁南崖充羅幕
北渚盈軒軒清川含藻景高岸被華丹馥馥芳袖揮泠
泠纖指彈悲歌吐清響雅舞播幽蘭丹唇含九秋妍迹

陵七盤赴曲迅驚鴻蹈節如集鸞綺能隨顏變沉姿無
定一作源俯仰紛阿那顧步咸可懽遺芳結飛颺淨景
映清湍冶容不足詠春游良可歎

挽歌三首

卜擇考休貞嘉命咸在茲夙駕警徒御結轡頓重基龍

旒集作慌被廣柳前驅矯輕旗殯宮何嘈嘈哀響沸中闈

中闈且勿謹五臣作喧聽我薤露詩死生各異倫祖載當有

時舍爵兩楹位啓殯進靈輜飲餞觴莫舉出宿歸無期

帷衽曠遺影棟宇與子辭周親咸犇湊友朋自遠來翼

翼飛輕軒駸駸策素騏按轡遵長薄送子長夜臺呼子

子不聞泣子子不知歎息重觀側念我疇昔時三秋猶

足收萬世安可思殉沒身易亡殺子非所能含言言哽

咽揮涕涕流離

流離親友思惆悵神不忝素驂佇輜軒玄駟騫飛蓋哀

鳴興殯宮迴遲悲野外竟輿寂無響但見冠與帶備物

象平生長旌誰爲旆悲風微五臣作鼓行軌傾雲結流靄振

策指靈丘駕言從此逝

重阜何崔嵬玄廬竄其間磅礴立四極穹隆放蒼天側

聽陰溝涌跡觀天井懸壙五臣作廣宵何寥廓大暮安可晨

人往有返歲我行無歸年昔居四民宅今託萬鬼隣昔

為七尺軀今成灰與塵金玉素所佩鴻毛今不振豐肌

饗螻蟻妍姿一作骸永夷泯壽堂延魑魅虛無自相賓螻

蟻爾何怨魑魅我何親拊心痛荼毒永歎莫為陳

長歌行

逝矣經天日悲哉帶地川寸陰無停晷尺波豈徒旋年

徃信一作迅勁矢時來亮急弦遠期鮮克及盈數固希全

交華夙夜零體澤坐自捐茲物苟難停吾壽安得延俛

仰逝將過倏忽幾何間慷慨亦焉訢天道良自然但恨

功名薄竹帛無所宣迨及歲未暮長歌乘我閑

君子行

天道夷且簡人道險而難休咎相乘躡翻覆若波瀾去

疾苦不遠疑似實生患近火固宜熱履冰豈惡寒撥蜂

滅天道拾塵惑孔顏逐臣尚何有棄友焉足歎福鍾恒

有兆禍集非無端天損未易辭人益猶可歡朗鑒豈遠

假取之在傾冠近情苦自信君子防未然

從軍行

苦哉遠征人飄飄五臣作窮四遐南陟五嶺巔北戍長城

阿深五臣作谿谷邈五臣作深無底崇山鬱塞峩峩奮臂攀喬木振

迹涉流沙隆暑固已慘涼風嚴且苛夏條集一作鮮藻

寒氷結衝波胡馬如雲屯越旗亦星羅飛鋒無絕影鳴

鏑自相和朝食五臣作餐不免胄夕息常負戈苦哉遠征人

撫心悲如何

苦寒行

北遊幽朔城涼野多險難五臣作艱俯入窮谷底仰陟高山

盤疑氷結重礪積雪被長嶺陰雲興巖側悲風鳴樹端

不覩白日景但聞寒鳥喧一作猛虎憑林嘯玄猿臨岸

歎夕宿喬木下慘愴恒鮮歡渴飲堅氷漿飢待零露餐

離思固已久一作寤寐莫與言劇哉行役人慊慊恒苦

寒

豫章行

汎舟清川渚遙望高山陰川陸殊塗軌懿親將遠尋三

荆歡同株四鳥悲異林樂會良自古悼別豈獨今寄世

將幾何日昃無停陰前路既已多後塗隨年侵促促薄

暮景疊疊鮮克禁曷爲復以茲曾是懷苦心遠節嬰物

淺近情能不深行矣保嘉福景絕繼以音

長安有狹邪行

伊洛有岐路岐路交朱輪輕蓋承華景騰步躡飛塵鳴
玉豈樸儒憑軾皆俊民烈心厲勁秋麗服鮮芳春余本
倦游客豪彥多舊親傾蓋承芳訊欲鳴當及晨守一不
足矜岐路良可遵規行無曠迹矩步豈逮人投足緒已
爾四時不必循將遂殊塗軌要子同歸津

塘上行

江蘼生幽渚微芳不足宣被蒙風雲會移居華池邊發

藻玉臺下垂影滄浪泉露潤旣已渥結根奧且堅四節
逝不處繁華難久鮮淑氣與時殞餘芳隨風捐天道有
遷易人理無常全男權智傾愚女愛衰避妍不惜微軀
退但懼一作蒼蠅前願君廣末光照妾薄暮年

折楊柳

邈矣垂天景壯哉奮地雷豐隆豈久響華光但西隕日
落似有竟時逝恒若催仰悲朗月運坐觀旋蓋廻盛門
無再入衰房莫苦開人生固已短出處鮮爲諧慷慨惟
昔人興此千載懷升龍悲絕處葛藟變條枚寤寐豈虛

歎曾是感與摧弭意無足歡願言有餘哀

飲馬長城窟行

驅馬陟陰山山高馬不前往問陰山候勁虜在燕然戎
車無停軌旌旆屢徂遷仰憑積雪巖俯涉堅冰川冬來
秋未反去家邈以綿獫狁亮未夷征人豈徒旋末德爭
先鳴凶器無兩全師克薄賞行軍沒微軀捐將遵甘陳
迹收功單于旃振旅勞歸士受爵藁街傳

門有車馬客行

門有車馬客駕言發故鄉念君久不歸濡跡涉江湘投

袂赴門塗攬衣不及裳拊膺攜客泣掩淚叙溫涼借問
邦族間惻愴論存亡親友多零落舊齒皆彫喪市朝互
遷易城闕或丘荒墳壟日月多松柏鬱芒芒天道信崇
替人生安得長慷慨惟平生俛仰獨悲傷

王勣權歌行

遲遲暮春日天氣柔且嘉元吉隆初已濯穢遊黃河龍
舟浮鷁首羽旗垂藻葩乘風宣飛景逍遙戲中波名謳
激清唱榜人縱一作從棹歌投綸沉洪川飛繳入紫霞

太山吟

太山一何高迢迢造天庭峻極周已遠曾雲鬱冥冥梁
甫亦有館蒿里亦有亭幽塗延萬鬼神房集百靈長吟
太山側慷慨激楚聲

梁甫吟

玉衡既已驂羲和若飛凌四運循環轉寒暑自相承冉
冉年時暮迢迢天路微招搖東北指大火西南昇悲風
無絕響玄雲互相仍豐水馮川結零集作寒露彌天凝年
命時相逝慶雲鮮克乘履信多愆期思順馬足馮慷慨
臨川響非此孰為興哀吟梁甫巔慷慨一作歎息獨拊膺

東武吟行

投跡短世間高步長生闌濯髮冒雲冠浣一作洗身被羽
衣飢從韓衆餐寒就佚女棲

班婕妤

一作婕妤 好怨

婕妤去辭寵淹留終不見寄情在玉階託意唯團扇春
苔暗階除秋草蕪高殿黃昏集作昏黃履綦絕愁來空兩面

駕言出北闕行

駕言出北闕躑躅遵山陵長松何鬱鬱丘墓互相承念
按藝文類聚題下有驅車上東門五字然則此擬作也

昔徂歿子悠悠不可勝安寢重寘廬天壤莫能興人生
何所促忽如朝露凝辛苦百年間戚戚如履水仁知亦
何補遷化有明徵求仙鮮克仙太虛不一作可凌良會
罄美服對酒宴同聲

君子有所思行

命駕登北山延佇望城郭塵里一何盛街巷紛漠漠甲
第崇高闥洞房結阿閣曲池何湛湛清川帶華薄邃宇
列綺窻蘭室接羅幕淑貌色斯升哀音承顏作人生誠
行邁容華隨年落善哉膏粱士營生奧且博宴安消靈
根鴆毒不可恪無以肉食資取笑葵與藿

悲哉行

游客芳春林春芳傷客心和風飛清響鮮雲垂薄陰蕙
草饒淑氣時鳥多好音翩翩鳴鳩羽喈喈倉庚音五臣作吟
幽蘭盈通谷長秀被高岑女蘿亦有託蔓葛亦有尋傷
哉客遊士憂思一何深目感隨氣草耳悲詠時禽寤寐
多遠念緬然若飛沉願託歸風響寄言遺所欽

齊謳行

營丘負海曲沃野爽且平洪川控河濟崇山入高宜東

被姑尤側南界聊攝城海物錯萬類陸產尚千名子孟諸
吞楚夢百二侷秦京惟師恢東表桓后定周傾天道有
迭代人道無久盈鄙哉牛山歎未及至人情爽鳩苟已
徂吾子安得停行行將復去長存非所營

吳趨行

楚妃且勿歎齊娥且莫謳四坐並清聽聽我歌吳趨吳

趨自有始

一作紀

請從閭門起閭門何峨峨

集作峨峨

飛閣跨

通波重巒承游極回軒啓曲阿藹藹慶雲被泠泠祥風
過山澤多藏育土風清且嘉泰伯導仁風仲雍揚其波

穆穆延陵子灼灼光諸華王迹隕陽九帝功興四遐大

皇自富春矯手

樂府作首

頻世羅邦彥應運興粲若春林葩

屬城咸有士吳邑最爲多八族未足侈四姓實名家文
德熙淳懿武功侔山河禮讓何濟濟流化自滂沱淑美
難窮紀商摧爲此歌

前緩聲歌

游僊聚靈族高會層城阿長風萬里舉慶雲鬱嵯峨宓
妃興洛浦王韓起太華北徵瑤臺女南要湘川娥肅肅
宵駕動翩翩翠蓋羅羽旗棲瓊鸞玉衡吐鳴和太容揮

高絃洪崖發清歌獻酬既已周輕舉乘紫霞總轡扶桑

枝濯足湯一作谷波清輝溢天門垂慶惠皇家

吳趨行

此首及飲酒樂樂府不載名氏次在機之機詩彙作機詩

璽滿蓋重簾唯有遠相思藕葉清朝釧何見早還時

飲酒樂

飲酒須飲多人生能幾何百年須受樂莫厭管弦歌

董桃行

以下六言

和風習習薄林柔條布葉垂陰鳴鳩拂羽相尋倉庚啾

啾弄音感時悼逝傷心日月相追周旋萬里倏忽幾

年人皆冉冉西遷盛時一往不還慷慨垂念悽然昔

為少年無憂常恡秉燭夜遊翩翩宵征何求于今知此

有由但為老去年道盛固有衰不疑長夜冥冥無期

何不驅馳及時聊樂永日自怡齎此遺情何之人生

居世為安豈若及時為歡世道多故萬端憂慮紛錯交

顏老行及之長歎

上留田行

嗟行人之藹藹駿馬陟原風馳輕舟汎川雷邁寒往暑

來相尋零雪霏霏集宇悲風徘徊入襟歲華冉冉方除

我思纏綿未紓感時悼逝悽如

飲酒樂

樂府作還臺樂
乃陳陸瓊詩也

蒲萄四時芳醇瑠璃千鍾舊賓夜飲舞遲銷燭朝醒弦
促催人春風秋月恒好驩醉日月言新

燕歌行

七言

四時代序逝不追寒風習習落葉飛蟋蟀在堂露盈墀

一作念君客一作遊常苦悲君何緬然久不歸賤妾悠

悠心無違白日既沒明燈輝夜一作禽赴林匹鳥棲雙

鳩關關宿河湄憂來感物涕不晞非君之念思為誰別

日何早會何遲

猛虎行

以下
雜言

渴不飲盜泉水熱不自惡木陰惡木豈無枝志士多苦

心整駕肅時命杖策將遠尋飢食猛虎窟寒棲野雀林

日歸功未建時往歲載陰崇雲臨岸駭鳴條隨風吟靜

言幽谷底長嘯高山岑急絃無懦響亮節難為音人生

誠未易曷云開此衿眷我耿介懷俯仰媿古今

鞠歌行

序曰按漢宮閣有含章鞠室靈芝鞠室後漢馬防第

宅卜臨道連閣通池鞠城彌於街路鞠歌將謂此也
又東阿王詩連騎擊壤或謂蹴鞠乎三言七言雖奇
寶名器不遇知己終不見重願逢知己以託意焉

朝雲升應龍攀乘風遠遊騰雲端鼓鐘歇豈自歡急絃
高張思和彈時希值年夙愆循已雖易人知難王陽登
貢公歡罕生既沒國子歎嗟千載豈虛言邈矣遠念情
愴然

順東西門行

出西門望天庭陽谷既虛崦嵫盈感朝露悲人生逝者
若斯安得停桑樞戒蟋蟀鳴我今不樂歲聿征迨未暮
及時平置酒高堂宴友生激朗笛彈哀箏取樂今日盡
歡情

日重光行

日重光奈何天迴薄日重光冉冉其遊如飛征日重光
今我日華華之盛日重光倏忽過亦安停日重光成羣往
衰亦必來日重光譬如四時固恒相催日重光惟命有
分可營日重光但一作常惆悵才志日重光身沒之後無

遺名

月重輪行

人生一時月重輪盛年安可持月重輪吉凶倚伏百年
莫我與期臨川曷悲悼茲去不從肩月重輪功名不勗
之善哉古人揚聲敷聞九服身名流何穆旣自才難旣
嘉運亦易愆俛仰行老存沒將何所觀志士慷慨獨長
歎獨長歎

百年歌十首

一十時顏如舜華暉有暉體如飄風行如飛變彼孺子
相追隨終朝出遊薄暮歸六情逸豫心無違清酒漿炙

柰樂何清酒漿炙柰樂何

二十時膚體彩澤人理成美目淑貌灼有榮被服冠帶

麗且清光車駸馬遊都城高談雅步何盈盈清酒漿炙

柰樂何清酒漿炙柰樂何

三十時行成名立有令聞力可扛鼎志干雲食如漏卮

氣如熏辭家觀國綜典文高冠素帶煥翮紛清酒漿炙

柰樂何清酒漿炙柰樂何

四十時體力克壯志方剛跨州越郡還帝鄉出入承明

擁大璫清酒漿炙柰樂何清酒漿炙柰樂何

五十時荷旄仗節鎮邦家
鼓鐘嘈贊趙女歌
羅衣綵粲金翠華
言笑雅舞相經過
清酒漿炙柰樂何
清酒漿炙

柰樂何
六十時年亦耆艾
業亦隆
驂駕四牡入紫宮
軒冕婀娜

翠雲中
子孫昌盛家
道豐清酒漿炙柰樂何
清酒漿炙

柰樂何
七十時精爽頗損
膂力愆
清水明鏡不欲觀
臨樂對酒

轉無歡
攬形集作羞集作髮獨長歎

八十時明已損
目聰去耳前
言徃行不復紀
辭官致祿

歸桑梓
安車駟馬入舊里
樂事告終憂事始

九十時日告眊
瘁月告衰
形體雖是志意非
言多謬誤

心多悲
子孫朝拜或問誰
指景玩日慮安危
感念平生

淚交揮

百歲時盈數已登
肌肉單四支
百節還相患
目苦濁鏡

口垂涎
呼吸頓處反側難
齒禡滋味不復安

詩紀卷之二十四
人書里
此十部
詩紀卷之二十四

詩紀卷之二十五

晉五言
報宣
陸機

陸機
詩皇太子

皇太子
宴玄圃宣猷堂有令賦詩

皇太子宴玄圃宣猷堂有令賦詩

三正迭紹洪聖啓運自昔哲王先天而順群辟崇替降

及近古黃暉既渝素靈承祐乃眷斯顧祚之宅土三后

始基世武丕承協風旁駭天畧仰澄淳曜六合皇慶攸

興自彼河汾奄齊七政時文惟晉世篤其聖欽翼昊天

對揚成命九區克咸謳歌以詠皇上纂隆經教弘道于
化既豐在工載考俯釐庶績仰荒大造儀刑祖宗安綏
天保篤生我后克明克秀體輝重光承規景數茂德淵
冲天姿玉裕叢爾小臣邈彼荒遐弛厥負擔振纓承華
匪願伊始惟命之嘉

皇太子賜讌詩

明明隆晉茂德有赫思媚上帝配天光宅誕育皇儲儀
刑在昔徽言時宣福祿來格勞謙降貴肆敬下臣肇彼
先驅翻成嘉賓

贈馮文罷遷斥丘令

八章

於皇聖世時文惟晉受命自天奄有黎獻閭闔既闢承
華再建明明在上有集惟彥

奕奕馮生哲問允迪天保定子靡德不鑠邁心玄曠矯
志崇邈遵彼承華其容灼灼

嗟我人斯戢翼江潭有命集止翻飛自南出自幽谷及
爾同林雙情交映遺物識心

人亦有言交道寔難有頰者弁千載一彈今我與子曠
世齊歡利斷金石氣惠秋蘭

群黎未綏帝用勤止我求明德肆于百里僉曰爾諧俾
民是紀乃眷北徂對揚帝祉

疇昔之遊好合纏綿借曰未給五臣作洽亦既三年居陪華

幄出從朱輪方驥齊鑣比迹同塵

之子既命四牡項領遵塗遠蹈騰軌高騁慶雲扶質清
風承景嗟我懷人其邁唯永

否泰有

善作苟

殊窮達有違及子春華後爾秋暉逝將去

我陟彼朔陲非子之念心孰為悲

荅賈謐

十一章

并序

昔余為太子洗馬魯公賈長淵以散騎常侍侍東宮

積年余出補吳王郎中令元康六年入為尚書郎魯

東公贈詩一篇作此詩荅之云爾

伊昔有皇肇濟黎蒸先天創物景命是膺降及群后迭

毀迭興邈矣終古崇替有徵

在漢之季皇綱幅裂大辰匿暉金虎曜質雄臣馳駑義

夫赴節釋位揮戈言謀王室

王室之亂靡邦不泯如彼墜景曾不可振乃眷三哲俾

又斯民啓土雖一作難改物承天

爰茲有魏即宮天邑吳實龍飛劉亦岳高干戈載揚俎
豆載戢民勞師興國玩凱入
天厭霸德黃祚告釁獄訟違魏謳歌適晉陳留歸蕃我
皇登禪庸岷稽顙三江改獻
赫矣隆晉奄宅率土對揚天人有序斯祜惟公太宰光
翼二祖誕育洪胄纂戎于魯

東朝旣建淑問我我求明德濟同以和魯公戾止袞
服委蛇思媚皇儲高步承華

昔我逮茲時惟下僚及子棲遲同林異條年殊志比服
舛義稠游跨三春情固二秋

祇承皇命出納無違往踐蕃朝來步紫微升降祕閣我
服載暉孰云匪懼仰肅明威

分索則易携手實難念昔良游茲焉永歎公之云感貽
此音翰蔚彼高藻如玉如蘭

惟漢有木曾不踰境惟南有金萬邦作詠民之胥好猶
狂厲聖儀刑在昔予聞子命

贈弟士龍十章 見陸士雲集題曰兄平原贈

余弱年夙孤與弟士龍銜卹喪庭續會逼王命墨經

即戎時並縈髮悼心告別漸歷八載家邦顛覆凡厥
同生彫落殆半收迹之日感物興哀而龍又先在四
時迫當祖載二昆不容逍遙銜痛東徂遺情西慕故
作是詩以寄其哀苦焉

於穆予宗稟精東嶽誕育祖考造我南國南國克靖實
繇洪績惟帝念功載繁其錫其錫惟何玄冕袞衣金石
假樂旄鉞授厥羣威是信稱平遠德奕世台衡扶帝紫
極

篤生三昆克明允稜遵塗結轍承風襲問帝曰欽哉纂
戎列祚雙組式帶綬章載路即命荆楚對揚休顧肇敏
厥績武功聿舉烟煴芳素綢繆江滸昊天不吊胡寧棄

予

嗟予人斯胡德之微闕彼遺軌則此頑違王事匪監旄
旆屢振委籍舊戈統厥征人祈祈征人載肅載閑駸駸
戎馬有

緒

有命自天崇替靡常王師乘運席江卷湘雖
從武臣守局下列譬彼飛塵洪波雷擊與衆同泯顛跋
守守

西夏收迹舊京俯慚堂構仰懷

藝文類聚作惟

先靈孰云忍媿

寄之我情

伊我俊弟咨爾士龍懷襲瑰璋播殖清風非德莫勤非道莫弘垂翼東畿耀穎名邦綿綿洪統非爾孰崇依依同生恩篤情結義存並濟胡樂之悅願爾偕老携手黃髮

昔我西征扼腕川湄掩涕即路耀袂長辭六龍促節逝不我待自往迄茲曠年八祀悠悠我思非爾焉在昔並垂髮今也將老銜哀茹感契闊克飽嗟我人斯胡卹之

早

天步多艱性命難誓常懼墮斃孤寡殊裔存不阜物沒不增壤生若朝風死猶絕景視彼浮遊方之僑客眷此黃廬譬之斃宅匪身是宏亮會伊惜其惜伊何言紆其思其思伊何悲彼曠載

出車戒塗言告言歸蓐食驚駕夙興宵馳濛雨之陰炤月之輝陸陵峻岷川越洪漪爰屆爰止步彼高堂失爾羽邁良願中荒我心永懷匪悅匪康昔我斯逝兄弟孔仁今我來思或彫或疚昔我斯逝族

有餘榮今我来思堂有哀聲我行其道鞠爲茂草我履
其房物存人亡拊膺涕泣血淚彷徨

企佇朔路言送爾歸心存言宴日想容輝迫彼窀穸載
驅東路繼其桑梓肆力丘墓婉兮變兮與懷罔極眷言
顧之使我心惻

贈潘尼

廣文選作
贈潘岳

水會于海雲翔于天道之所混孰後孰先及子雖殊同
升太玄舍彼玄冕襲此雲冠遺情市朝永志丘園靜猶
幽谷動若揮蘭

答潘尼

集作答
潘岳

於穆同心如瓊如林我東日徂來餞其琛彼美潘生實
綜我心探我玉懷醅爾惠音

贈馮文羆

以下
五言

昔與二三子游息承華南拊翼同枝條翻飛各異尋苟
無凌風翻徘徊守故林慷慨誰爲感願言懷所欽發軔
清洛汭驅馬大河陰佇立望朔塗悠悠迥且深分索古
所悲志士多苦心悲情臨川結苦言隨風吟愧無雜佩
贈良訊代兼金夫子茂遠猷欵誠寄惠音

於承明作與弟士龍

牽世嬰時網駕言遠徂征飲餞豈異族親戚弟與兄
婉變居人思紆鬱游子情明發遺安寐晤言涕交纓分途
長林側揮袂萬始亭佇眄要遐景傾耳玩餘聲南歸憇
永安北邁頓承明永安有昨軌承明子棄予俯仰悲林
薄慷慨含辛楚懷往歡絕端悼來憂成緒感別慘舒翻
思歸樂遵渚

贈弟士龍

見士龍集

行矣怨路長怒馬傷別促指途悲有餘臨觴歡不足我

若西流水子為東峙岳慷慨逝言感徘徊居情有安得
攜手俱契闊成駢服

荅兄平原

陸雲

悠遠塗可極別促怨會長街思善作思戀行邁興言在
臨觴南津有絕濟北渚無河梁神往同逝感形留悲
參商衡軌若殊迹牽牛非服箱

贈尚書郎顧彥先二首

大火貞朱光積陽熙自南望舒離金虎屏翳吐重陰
淒風迄時序苦雨遂成霖朝游志輕羽夕息憶重衾感物

百憂生纏綿自相尋與子隔蕭牆蕭牆阻且深形影曠
不接所託聲與音音聲日夜闕何用慰吾心

朝游遊層城夕息旋直廬迅雷中宵激驚電光夜舒玄
雲拖朱閣振風薄綺疏豐注溢修雷潢潦浸階除停陰
結不解通衢化為渠沉稼湮梁穎流民泝荆徐眷言懷
桑梓無乃將為魚

贈顧交趾公貞

顧侯體明德清風肅已邁發迹翼藩后改授撫南裔伐
鼓五嶺表揚旌萬里外遠績不辭小立德不在太高山

安足凌巨海猶縈帶惆悵瞻飛駕引領望歸旆

答張士然

潔身躋秘閣秘閣峻且玄終朝理文案薄暮不遑眠善作

暝駕言巡明祀致敬在祈年道遙春玉圃五臣作圃躑躅千

畝田迴渠繞曲陌通波扶直阡嘉穀垂重穎芳樹發華

顛余固水鄉士總轡臨清淵戚戚多遠念行行遂成篇

贈從兄車騎

孤獸思故藪離鳥悲舊林翩翩游宦子辛苦誰為心髣

髴谷水陽婉變崑山陰營魄懷茲土精爽若飛沉寤寐

靡安豫願言思所欽感彼歸塗艱使我怨慕深安得忘
歸草言樹背與襟斯言豈虛作思鳥有悲音

為顧彥先贈婦二首

辭家遠行游悠悠三千里京洛多風塵素衣化為緇修
身悼憂苦感念同懷子隆思亂心曲沉歡滯不起歡沉
難克興心亂誰為理願假歸鴻翼翻飛浙江汜
東南有思婦長歎充幽闥借問歎何為佳人眇天末游
宦久不歸山川脩且闊形影參商乖音息曠不達離合
非有常譬彼絃與箏願保金石軀慰妾長飢渴

為陸思遠婦作

二合兆嘉偶女子禮有行潔已入德門終遠母與兄如
何耽時寵游宦忘歸寧雖為三載婦顧景媿虛名歲暮
饒悲風洞房涼且清拊枕循薄質非君誰見榮離君多
悲心寤寐勞集作動人情敢忘桃李陋側想瑤與瓊

為周夫人贈車騎

外編作陸雲者非

碎碎織細練為君作縵縵君行豈有顧憶君是妾夫昔
者得君書聞君在高平今時得君書聞君在京城京城
華麗所璀璨多異人男兒多遠志豈知妾念君昔者與

君別歲律薄將暮日月一何速素秋墜湛露湛露何冉冉思君歲隨晚對食不能飡臨觴不能飯

祖道畢雍孫劉邊仲潘正叔

皇儲延髦俊多士出幽遐適值

一作遂

時來運與子遊承

華執笏崇賢內振纓層城阿畢劉贊文武潘生蒞邦家感別懷遠人願言歎以嗟

赴洛二首

希世無高符營道無烈心靖端肅有命假檝越江潭親友贈予邁揮淚廣川陰撫膺解携手永嘆結遺音無迹

有所匿寂寞聲必沉肆自眇不及緬然若雙潛南望泣玄渚北邁涉長林谷風拂脩薄油雲翳高岑壘壘孤獸騁嚶嚶思鳥吟感物戀堂室離思一何深佇立慨我歎寤寐涕盈衿惜無懷歸志辛苦誰爲心

羈旅遠遊宦託身承華側撫劍遵銅輦振纓盡祗肅歲月一何易寒暑忽已革載離多悲心感物情悽惻慷慨

遺安豫

五臣作念

永嘆廢寢

善作餐

食思樂樂難誘曰歸歸未

克憂苦欲何爲纏綿胸與臆仰瞻凌霄鳥羨爾歸飛翼

赴洛道中作二首

總轡登長路嗚咽辭密親借問子何之世網嬰我身永
嘆遵北渚遺思結南津行行遂已遠野途曠無人山澤
紛紜餘林薄杳阡眠虎嘯深谷底鷄鳴高樹巔哀風中
夜流孤獸更我前悲情觸物感沉思鬱纏綿佇立望故
鄉顧影悽自憐

遠遊越山川山川脩且廣振策陟崇丘安轡遵平莽夕
息抱影寐朝徂銜思徃頓轡倚高巖側聽悲風響清露
墜素輝明月一何朗撫枕不能寐振衣獨長想

吳王郎中時從梁陳作

在昔蒙嘉運矯迹入崇賢假翼鳴鳳條濯足升龍淵玄
冕無醜士冶服使我妍輕劍拂鞞厲五臣作礪長纓麗且鮮
誰謂伏事淺契闊踰三年薄言肅後命改服就藩臣夙
駕尋清軌遠遊越梁陳感物多遠念慷慨懷古人

一作擬行行重行行

悠悠行邁遠戚戚憂思深此思亦何思思君徽與音音
徽日夜離緬邈若飛沉王鮪懷河岫晨風思北林遊子
眇天末還五臣作遠期不可尋驚飈褰反信歸雲難寄音佇
立想萬里沉憂萃我心攬衣有餘帶循形不盈衿去去

遺情累安處撫清琴

擬今日良宴會

閑夜命懽友置酒迎風館齊僮梁甫吟秦娥張女彈哀

音繞棟宇遺響入雲漢四座咸同志羽觴不可算高談

一何綺蔚若朝霞爛人生無幾何為樂常苦宴譬彼伺

晨鳥揚聲當及旦曷為恒憂苦守此貧與賤

擬迢迢牽牛星

昭昭清漢暉粲粲光天步牽牛西北迴織女東南顧華

容一何冶揮手如振素怨彼河無梁悲此年歲暮跂彼

無良緣皖馬不得度引領望大川雙涕如雨露

擬涉江采芙蓉

上山采瓊蘂窮谷饒芳蘭采采不盈掬悠悠懷所歡故

鄉一何曠山川阻且難沉思鍾萬里躑躅獨吟歎

擬青青河畔草

靡靡江離草媚媚一作媚生河側皎皎彼姝女阿那當軒

織粲粲妖容姿灼灼美顏色良人遊不歸偏棲獨隻翼

空房來悲風中夜起歎息

擬明月何皎皎

安寢北堂上明月入我牖照之有餘輝攬之不足盈手涼
風繞曲房寒蟬鳴高柳踟躕感節物我行永已久游宦
會無成離思難常守美賤也文人並不歸而對
擬蘭若生朝陽
嘉樹生朝陽凝霜封其條執心守時信歲寒終不彫美
人何其曠灼灼在雲霄隆想彌年月長嘯入飛颺引領
望天末譬彼向陽翹

擬青青陵上栢

冉冉高陵蘋習習隨風翰人生當幾時譬彼濁水瀾戚
戚多滯念置酒宴所歡方駕振飛轡遠遊入長安名都
一何綺城闕鬱盤桓飛閣纓虹帶層臺冒雲冠高門羅
北闕甲第椒與蘭俠客控絕景都人駢玉軒遨遊放情
願慷慨為誰歎

擬東城一何高古詩曰東城高且長

西山何其峻層曲鬱崔嵬零露彌天墜蕙葉憑林衰寒
暑相因襲時逝忽如頽三閭結飛轡大耋嗟落揮曷為
牽世務中心若有違京洛多妖麗玉顏侔瓊蕤闌夜撫
鳴琴惠音清且悲長歌赴促節哀響逐高徽一唱萬夫

歎再唱梁塵飛思爲河曲鳥雙游澧水湄

擬西北有高樓

高樓一何峻迢迢

善作若若

峻而安綺窓出塵冥飛陛躡雲

端佳人撫琴瑟纖手清且閑芳氣隨風結哀響馥若蘭

玉容誰能

五臣作得

顧傾城在一彈佇立望日昃躡躡再三

歎不怨佇立久但願歌者歡思駕歸鴻羽比翼雙飛翰

擬庭中有奇樹

歡友蘭時往迢迢匿音微虞淵引絕景四節逝若飛芳

草久已茂佳人竟不歸躡躡遵林渚惠風入我懷感物

戀所歡采此欲貽誰

擬明月皎夜光

歲暮涼風發昊天肅明明招搖西北指天漢東南傾朗

月照閑房蟋蟀吟戶庭翻翻歸鴈集嘒嘒寒蟬鳴疇昔

同宴友翰飛戾高冥服美改聲聽居愉遺舊情織女無

機杼大梁不架楹

招隱詩

明發心不爽振衣聊躡躡欲安之幽人在浚谷朝

采南澗藻夕息西山足輕條象雲構密葉承翠幄激楚

倚蘭林回芳薄秀木山溜何泠泠飛泉漱鳴玉哀音附
附音 靈波頽響赴曾曲至樂非有假安事澆淳樸富貴
苟難圖稅駕從所欲

遨遊出西城

遨遊出西城按轡循都邑逝物隨節改時風肅且熠遷
化有常然盛衰自相襲靡靡年時改冉冉老已及行矣
勉良圖使爾脩名立

園葵詩二首

種葵北園中葵生鬱萋萋朝榮東北傾夕頽西南晞零
露垂鮮澤朗月耀其輝時逝柔風戢歲暮商焱飛曾雲
無溫液嚴霜有凝威幸蒙高墉德玄景蔭素蕤豐條並
春盛落葉後秋衰慶彼晚彫福忘此孤生悲

翩翩晚彫葵孤生寄北蕃被蒙覆露惠微軀後時殘庇
足周一智生理各萬端不若聞道易但傷知命難

贈波丘令馮文羆

以下闕文

夙駕出東城送子臨江曲密席接同志羽觴飛鄗錄登
樓望峻陂時遊一何速

贈顧彥先

清夜不能寐悲風入我軒立影對孤軀哀聲應苦言

贈紀士

瓊瓌俟豐價窈窕不自鬻有美蛾眉子惠音清且淑修
姱協姝麗華顏婉如玉

贈潘正叔

過蒙時來運與爾遊承華執笏崇賢內振纓曾城阿

招隱二首

駕言尋飛遯山路鬱盤桓芳蘭振蕙葉玉泉涌微瀾嘉
卉獻時服靈木進朝食

尋山求逸民穹谷幽且遐清泉盪玉渚文魚躍中波

尸鄉亭

詩彙作顏
之推者非

東遊觀鞏洛逍遙丘墓間秋草漫長柯寒水入雲煙發
軫有夙宴息駕無愚賢

三月三日

遲遲暮春日天氣柔且佳元吉隆初已濯穢遊黃河

春詠

亦見鮑
明遠集

節運同可悲莫若春氣甚和風未及燠遺涼清且凜

詠老

軟顏收紅紫玄鬢吐素華冉冉逝將老咄咄柰老何

猶重同何共莫若春原其味風未及與遊亦青且紫

春時

豈重暮春日天原桑且當不吉劍師子

三月三日

詩紀卷之二十五

詩紀卷之二十六

晉六

陸雲

字士龍少與兄機齊名吳平入洛刺史周浚召為從事公府掾太子舍人出補浚儀令後拜吳

王晏郎中令成都王穎表為清河內史屢以正言忤旨機敗并為穎所害

大將軍宴會被命作詩

六章

皇皇帝祜誕隆駿命四祖正家天祿保安

一作

定獻哲惟

晉世有明聖如彼日月萬景攸正

巍巍明聖道隆自天則明分爽觀象洞玄陵

五臣作浚風叶

極

一作紀

絕輝照淵肅雍往播福祿來臻

在昔奸臣稱亂紫微神風潛駭有赫茲威靈旗樹旆如
電斯揮致天之届于河之沂有命再集皇輿凱歸
頽網既振品物咸秩神道見素遺華反質辰畧重光協
風應律函夏無塵海外有謚

芒芒宇宙天地交泰王在華堂式宴嘉會玄暉峻朗翠

雲崇謁冕弁振纓藻服

五臣藻火垂帶

祁祁臣僚有來雍雍薄言載考承顏下風俯覲嘉客仰
瞻玉容施已唯約于禮斯豐天錫難老如岳之崇

征西大將軍京陵王公會射堂皇太子見命作

此詩 六章

芒芒太極玄化烟煴頽形成器凌象垂文大鈞造物庶
類群分先識經始實綜彝倫

惟岳隆周生甫及申天監在晉祚之降神邈矣遐風茂
德有鄰永言配命唯晉之鎮

厥鎮伊何實幹心膂文教內輔武功外禦淮方未靖帝
曰攸序公于出征奄有南浦

南海既賓爰戢干戈桃林釋駕天馬婆娑象齒南金來
格皇家絕音協徽宇宙告和

玄網峻極天罔既紘文武方升允茲兼弘峩峩高夏有
肅其涼公侯戾止駉驥龍驤善問如林在會鏘鏘
祝融銜節火正緝熙凱風徘徊萬物欣時秩秩初筵薄
言在茲嘉福介祐萬壽無期

太尉王公以九錫命大將軍讓公將還京邑祖

餞贈此詩 六章

列文辟公時惟哲王闡縱絕期平顯幽光內實慎徽緝
熙有臧出紉方慝間督不揚高山峻極天造芒芒

天子念功大典光備肅肅王命宰臣蒞事穆矣淵讓遺

功遂志思我遠猷徽音孰嗣

后命既靈王人反旆興言出祖飲餞于邁旌旒泱泱
軒藹藹和風弭塵清暉映蓋

思樂中陵言觀其川公王戾止有車麟麟伊誰云饗我
有嘉賓羽觴舉酌酢爾征人

悠悠征人四牡駢駢發軫北京振策紫微昔乃云來春
林方輝歲亦暮止之子言歸道途興戀伏載稱微

聖澤既渥嘉會悒悒庭旅鐘鼓堂有瑟琴飛轡清暉扶
桑移蔭視景祗慕揮袂沾襟變彼同栖悲爾異林我有

旨酒以歌以吟

大安二年夏四月大將軍出祖王羊二公於城

南堂皇被命作此詩 六章

時文唯晉天祚有祥聖宰作弼受言既臧有赫斯庸勲
格昊蒼景物台暉棟隆玉堂

惟常思庸大興光迪聖敬遠躋神道玄邈思媚三靈誕
膺天篤嘉命既辱王人言告

翼翼王人言告惟慕公輿駕言乃眷斯顧華旂飛藻鳴
鸞振路駢駢駟牡噓天載步

我有高夏如雲斯蒼彫軒戾止薄言嘉會問誰在宴惟
俊惟乂豐俎殷薦獻酌交泰

攸攸昊天南正興言朱明有暉萬葉翠斂晉昌雲垂天凱
風熙顏王臣在此貽宴于懽

懸象西頽虞淵納景嘉樂未晞嚴駕已整行矣征人身
乖路永飛驂顧懷華蟬引領遺思北京結轡臺省

從事中郎張彥明爲中護軍 六章

思文有聖叡哲配天功濟生黎道合上玄休命發揮有
集惟賢哲彼寤宿澄此在淵

濟濟多士實播令聞王曰欽哉余嘉乃勲德音孔碩惠
爾風雲穆此芳烈肇揚清芬

肅肅庶僚袷服寵暉肇被桃蟲假翼翻飛出撫邦家入
翔紫微有命既集願言永違

思樂華堂雲構崇基公王有酒薄言饗之景曜微芒芳
風詠時宴爾賓儉具樂于茲

亹亹我王豐恩允臧我客戾止飲酒公堂自彼下僚聿
來有光悲矣永言指途逝將形違殿闈景附華房

開國承家勿用小人今我聖宰實蕃斯仁凌淵龍躍披
林鳳振正直既好嘉禮式陳振我遠德歸于時民

贈汲郡太守 八章

奚世都爲汲郡太守客將之官大將軍崇賢之德既
遠而厚下之恩又隆非此離析有感聖皇既蒙引見
又宴于後園感鹿鳴之宴樂詠魚藻之凱歌而作是

詩

於穆皇晉豪彥實蕃天罔振維有聖貞觀鳴鳥在林良
駿即閑萃彼俊乂時亮庶官

抑抑奚生天篤其淳芳穎蘭揮瓊光玉振沉機照物妙

思考神思我善問觀德古人

善問伊何惠音孔韶肇允衡門翻飛宰朝肅雍芳林芬
響凌霄穆矣和風育爾清休

亦既有試出宰邦家之子于行民固謳歌風澄俗儉化
靜世波芒芒既庶且樂于和

我有好爵既成爾服入贊崇華遂登帷幄時文聖宰天
祚方穀朔風微止鴻漸雲嶽

悠悠斯民三代直道我求明德惟奚攸考緝熙暉章天
祿來保惠心無兢豐化有造

樂只君子茂德攸綏嗟我懷人式是言歸聿言來集如
翼斯揮日子不惠照爾清暉

職思既殊亦各有司念我同僚悲爾異事之子之遠悠
悠我思雖無贈之歌以言志

贈顧驃騎二首

有皇 八章

有皇美祈陽也祈陽秉文之士駿發其聲故能明照
有吳入顯乎晉國人美之故作是詩焉

有皇大晉時文憲章規天有光矩地無疆神篤斯祐本

顯克昌載生之雋實惟祈陽哲問宣猷考茂其相
於鑠祈陽誕鍾天篤清輝龍見玄猷淵嘿沉機響駭幽
神廣覲和以同人歸物時育有大惡盈謙以自牧思我
懿範萬民來服

吳未喪師天秩有庸淵哉若人弱冠休風俯翼黃門以
德來忠端秀蕃后正色儲宮徽音樂穎邈矣遐踪
皇維南終舊邦匪歆委弁釋位如龍之潛考槃窮谷假
樂豐林子雖藏器鐘鼓有音惠風往敬慶問來尋

濟濟元公相惟天子明明辟王思隆多士帝曰欽哉有
命集止我咨四方令問在爾以朕大賚乃膺嘉祉聿來
胥步觀國之紀

惟皇建極緝熙清曜我有峻民明德來照大觀在上王
假有廟顯允顧生金聲玉振之子于升利見大人龍輝
絕跡有肅清塵

清塵既彰朝虛好爵敬子侯度慎徽百辟子聞有命德
禮不易嗟我懷人瞻言永錫豐祐東法惟子之績
遵汶涉泗言告同征勁風宵烈湛露朝零雲垂藹下泉
冽清泠哀哉行人感物傷情從子京邑言觀厥成天保

祚德式穀以寧

思文八章

思文美祁陽也祁陽能明其德刑于寡妻以至于家邦無思不服亦賴賢妃貞女以成其內教故作是詩

焉

思文祁陽祁陽克峻天錫淳嘏宣茲義問德音既烈海外有奮既奮斯音祇敬厥德昭治其家覃及邦國永肇儀刑俾民惟則

文王在上太姒思齊魯侯克昌亦賴令妻監神有顧顧繫在斯祁陽載天作之伉儷

在虞之曹實惟有姚穎艷玉秀華茂桃夭居顯祇明在靈格幽清塵熠爍淑心綢繆爰及祈陽惟德之周

其德伊何和貞虔告師民履素言謀慮度鐘鼓思樂靖端風效考休攸嬪來嫁于顧

羔羊執贄玉帛有輝百兩集止之子于歸宗姻風從娣姪雲回祁陽顧之煥其盈闈

既曰歸止式揚好音言觀河洲有集于林思樂葛藟薄采其葦疾彼攸遂乃孚惠心

惠心既孚有恪中饋敦此衆斯永錫嗣類載延窈窕用
和寤寐神之聽之胤祚來爾
昔周之隆有任有妘內刑聖敬外崇多士今我淑人實
亮君子亶亶翼翼亦繼斯祉宜爾子孫福祿盈止

贈鄱陽府君張仲膺

五章

神林何有竒華妙實皇朝如何窮文極質斌斌君子升
堂入室太上有曜子誕其輝知機日難子達其微入輔
幃幄出御千里滔滔江漢南國之紀

謁帝東堂剖符南征天子命我卑服以榮何以潤之德
被蒼生何以濟之威振群城却愚以化崇賢以仁鳳舒
其翮龍濯其鱗憶彼荒敷莫敢不賓雖云舊邦其命惟

新

卞和南金終始一色顯允君子窮達一德弘仁厲道物
究其極古賢受爵循墻處恭今括居貴履盈如冲接新
以化愛舊以豐隆此嚶鳴悖彼谷風
忠至寵加孝至榮集內崇南芬外清名邑煒煒棠棣夔
增其華猗猗桑梓厥耀孔多被繡畫行昔人攸羨階雲
飛藻孰與同粲

人道伊何難合易離會如升峻別如順淇嗟我懷人曷
云其來貢言執手涕既隕之

贈顧彥先

五章

玄黃捷秀誕受至真行該其高德備其新光瑩之偉隋
卞同珍騰都之駿龍鳳合塵
皇皇明哲應期繼聲華映殊域實鎮天庭入輔出輔乾
乾靡寧夏發涼臺我雨我暑冬違邦族風霜是處嗟彼
獨宿誰與晤語飄颻艱辛非禹孰舉言念君子悵惟心

楚

悠悠山川驍驍征遐陟升嶽堯降涉洪波言無不利乘
嶮而嘉人懷思慮我保其和

邂逅相遇良願乃從不逢知己誰濟予躬莫攀莫附媿
我高風時過年邁晡冉桑榆晞光賴潤亦在斯湏假我
夷塗頓不忘驅泥予津川桴不失浮無愛餘輝遂暗東
嶠
幽幽東嶠戀彼西歸瞻儀情感聆音心悲之子于邁夙
夜京畿王事多難仲焉徘徊

荅顧秀才

五章

茫茫上玄有物有則厥初造命立我藝則爰茲族類有
覺先識斯文未喪誕育明德

允矣顧生載靈之和沉根芳沼濯秀蘭波淵翹戢穎景
茂凌華惟是德心是用閑邪

德心伊何行歸于周希高仰峻企遠懷悠匪願在明靡
倦斯幽凡我同朋瞻言清休

慎終于遠俾民歸厚言若有行及予携手何以恤我其
仁孔有心之云愛隆敬其久

既邁斯仁亦迪茲文藻不雕樸華不變淳有斐君子如
珥如璠仰欽德類依懷惠詮式揚好問邦家于宣

荅大將軍祭酒顧令文

五章

惟林有鸞惟淵有螭顯允明德實邦之基先后陟恪子
配于茲遵彼玉堂受言講之

中原有軌世鮮克蹈先民有懷子探其妙心猶水鑒亟
景內照名若振炎攄光外耀

相彼水鑒民胥攸臨矧曰明德人誰弗欽寫我朶願即
爾澄心義隆自古好邈在今

大人有作興靈自天之子于升亦躍于淵景曳清霄響

發鳴弦義問弘集淑風載鮮

企予朔都非子孰念豈無弱翰才不克贍惠音聿來瓊

華玉艷無德不報念辭惟忝

答吳王上將顧處微

九章

邈矣大昧造化明明物以曲全人以直生類聚百族群

分萬形負淵挺隋方川吐瓊

藹藹洪族天祿攸蕃神綏厥本道裕其源條有豐葉波

無輟瀾烈風時播芳響世繁

曰繁曰願載德于茲克文克敏乃惠乃慈遵彼洪流薄

言詠之好是神契聊與之期

仁勇同宅文武相紛王謂御事誰撫上軍於時翻飛虎

嘯江濱式遏不虞俾也無塵

三代既遠直道垂音非齒焉尚非德孰欽鑽仰自古鮮

曰在今匪唯形交殷薦其心

心以殷薦分以道成祇服惠顧疇此深情亦有芳訊薄

載其誠豈無春暉茲焉可榮

大道易聞崇軌難襲孰云匪衍咎益尤集敢謙不佞栖

山自戢臨篇焉愧德輶辭輯

羽彼日月逝猶駭電朝華未厭夕風已扇詩亦有悲無
幾相見懷德歎心于馬東眷

平津晚貢貢公後徵陟彼玉階黃髮來升靈丹三秀芳
草秋興唯願清神福祿是膺

贈顧尚書

五嶽降神四瀆炳靈兩儀鈞陶參和大成兆光人倫誕
育至英於顯尚書實惟我兄行成世則才爲時生體道
既弘大德允明厥弘伊何靡曠不遵厥明伊何靡妙不
研無索炤灼有求幽玄細微不錯毫芒以陳積篲爲山

納流成淵扶翹布華養物作春所肅以禮所潤以仁宣
質拔行曜文入采堅不可鑽清如凝水方迹迎眼蹈齊
闕里晞聖而惟亦顧之子彼棄芝英玩此蘭萑異世同
芳其馥不已我蘭既馥我風載清能芬南岳運芳北征
子有其德人求其馨逝此陋巷薰彼紫庭厥音不已鼓
鐘有聲聞天之聰譬之鵠鳴天聰既招我實惟彰乘風
之鳳眷言朝陽披雲藻綉來此舊鄉謙光自抑厥輝愈
揚麗容魁翕孔好已張既照平林具我華英華英已曜
餘光難延會淺別速哀以紹欣追曠同塗暫和笑言殊

音合奏曲異響連絕我懽條統我思因根分來在愛感
往思我非形景有處有遊載離載會且懽且憂感彼遠
曠去此延娛樂奏聲哀言發涕流唯願我子德與福俱
亦天之祐亦我之私

荅兄平原

平原贈
詩見前

伊我世族太極降精昔在上代軒虞篤生厥生伊何流
祚萬齡南嶽有神乃降厥靈誕鍾祖考徹茲神明運步
玉衡仰和太清賓御四門旁穆紫庭紫庭既穆威聲爰
振厥振伊何播化殊鄰清風攸被率土歸仁彤弧所彎

萬里無塵功昭王府帝庸厥勳黃鉞授征錫命頻繁闕
如虺虎肅茲三軍光若辰跼亮彼公門仍世上司芳流
慶純雲和所產爰育二昆誕豐岐嶷夙邁令聞令聞伊
何休音允臧先公克構乃崇斯堂耀穎上京發迹扶桑
戎車山征時惟鷹揚鷹揚既昭勳庸克邁天子命我鎮
弼于外在作扞城以表南裔降災匪蠲景命顛沛惟我
賢昆天姿秀生含竒播殊明德惟馨太陽散氣乃稟厥
和山川垂度爰則厥遐厥遐伊何惟光惟大惟大伊何
如岱如渭恢此廣淵廓彼洪懿弘道惇德淵哉爲器統

我先基弱冠慷慨將弘祖業實崇奕世咨予頑蒙最爾
弱才沉耀玄渚挹庇雲淇陶化靡移固陋于茲瞻仰洪
範實忝先基巍巍先基重規累構赫赫重光遐風激鷲
昔我先公爰造斯猷今我六蔽匪崇克扶悠悠大道載
邈載遐洋洋淵源如海如河昔我先公斯綱斯紀今我
末嗣乃傾乃圯世業之頽自予小子仰愧靈丘銜憂沒
齒憂懷惟何顧景惟鹿我我高蹤眇眇賀辰明德繼體
莫非哲人今我頑鄙規範靡遵仍世載德荒之予身莫
峻匪岳有峻斯登莫高匪雲有高斯凌矧我成基匪克
階升玄黃長坂載寐載興豈敢憚行哀此負乘芒芒高
山自予頽之濟濟德義匪予懷之終銜永負于其媿而
昔予言曠汜舟東川銜憂告辭揮淚海濱羲陽趣駕炎
華電征自我不見邈哉八齡悠思迥望寤言通靈昔我
往矣辰在東嶠今我于茲日薄桑榆銜艱邁愍困瘁殷
憂哀矣我世匪蒙靈休開元迄茲震興迭微弱風隱駭
海水群飛王旅南征闡耀靈威予昆乃播爰集朔土載
離永久其毒太苦上帝休命駕言其歸多我邁愍振蕩
朔垂羈繫殊俗初願用違嚴駕東征肅邁林野夕秣乘

馬朝整僕旅矯矯乘馬載驅載馳湯湯長路或降或階
晨風夙零朝不皇飢傾景儵墜夕不存罷雖有豐草匪
釋奔駟雖有重陰匪遑遐寐熒熒僕夫悠悠遄征經彼
喬木有鳥嚶鳴微物識儕矧伊有情樂茲棠棣實歡友
生既至既覲滯思曠年曠年殊
覲未浹辰恨其永懷
憂心孔艱天地永久命也難長生民忽霍曷去其常我
之既存靡績靡紀乾坤難並寂焉其已生若電激沒若
川征存愧松柏逝慙生靈匪吝性命實悼徒生苟克析
薪豈憚冥冥瞻企皇極徼福上天冀我友生要期永年
昔我先公邦國攸興今我家道綿綿莫承昔我昆弟如
鸞如龍今我友生凋俊墜雄家哲永徂世業長終華堂
傾構廣宅頽墉高門降衡脩庭樹蓬感物悲懷愴矣其
傷悼仁汜愛錫予好音晞光懷寶煥若南金披華玩藻
曄若翰林詠彼清聲被之瑟琴味此殊響慰之予心弘
懿志鄙命之反覆敢投桃李以報寶珠一作玉冀憑光蓋
編諸末錄

蘇尚末結

詩紀卷之二十六
與鄭曼季贈答八首
陸雲二
晉七
詩紀卷之二十七

詩紀卷之二十七

晉七

陸雲二

與鄭曼季贈答八首

谷風 五章

陸贈

谷風懷思也君子在野愛而不見故作是詩言其懷
思之也

習習谷風扇此暮春玄澤墜潤靈爽煙煨高山熾景喬
木興繁蘭波清躍芳澣增涼感物興想念我懷人

習習谷風載穆其音流瑩鼓物清塵拂林霖雨嘉播有
滄淒陰歸鴻逝矣玄鳥來吟嗟我懷人其居樂潛明發
有想如結予心

習習谷風以溫以涼玄黃交泰品物含章潛介淵躍候
鳥雲翔嗟我懷人在津之梁明發有思凌波褰裳

習習谷風其集惟高嗟我懷人於馬道遙鸞栖高岡耳
想雲韶拊翼墜夕和鳴興朝我之思之言懷其休

習習谷風其音孔嘉所謂伊人在谷之阿虎質山嘯龍
輝淵蟠維南有箕匪休其和有球斯畢噉爾滂沱懿厥

河漢惟彼大華明發有懷我勞如何

鴛鴦 六章

鄭荅

鴛鴦美賢也有賢者二人雙飛東岳揚輝上京其
兄已顯登得朝而弟中漸娑娑衡門然其勞謙接
士吐握待賢雖姬公之下白屋洙泗之養三千無
以過也乃肯垂顧惠我好音思樂結永好之懽云

爾

鴛鴦于飛在江之浹和音反暢拊翼雙起朝遊蘭池
夕宿蘭汀清風翕習扇彼蘭茝凌雲高厲載翔載止

鴛鴦于飛載飛載吟有鬱浚敷實惟桂林芳條高茂
華繁垂陰爰翔爰翔爰憇其南有馥清芬協我好音好
鴛鴦于飛乘雲高翔有嚶其友戢翼未翔澹淡素波
容與趨倡雖曰戢止和音遠揚我有好爵與子音借
鴛鴦于飛徘徊翩翩載頡載頡命侶鳴群有鬱蘭臯
冽彼清源駕言遊之聊樂我云思與佳人齊懽順川
鴛鴦于飛或飛或遊習習谷風扇彼清流春草揚翹
龜龜沉浮感物與想我心長憂誰謂河廣曾不容舟
企予望之搔首踟蹰

鴛鴦于飛載和其鳴懷爾好音寡我中情人亦有言
心得遺形授我木瓜報爾瑤瓊匪繫曰報永好千齡

鳴鶴四章

陸贈

鳴鶴美君子也太平之世君子猶有退而窮居者樂
天知命無憂無欲碩人之考槃傷有德之遺世故作
是詩也

鳴鶴在陰戢其左翼肅雍和鳴在川之側假樂君子祚
爾明德思樂重虛歸于其極嗟我懷人惟馨黍稷
鳴鶴在陰其鳴喈喈垂翼蘭渚濯清芳池假樂君子其

茂猗猗底之瑰寶有餐瓊瓌乃振袞裳龍襲爾好衣嗟我
懷人啓襟以晞
鳴鶴在陰其儀藹藹謂天蓋高和音于邁假樂君子篤
膺俊乂穆風潛烈興雲戢蒼德茂當年時衍嘉會安得
擊藻攷爾縞帶嗟我懷人心焉忼愾
鳴鶴在陰載好其聲漸陸儀羽遵渚回涇假樂君子祚
之篤生德耀有穆如瑤如瓊安得風帆深濯髡滅景遺
雲雨爾在北冥嗟我懷人惟用傷情

蘭林 五章

鄭谷詩人亦未言

蘭林懽至好也有君子世濟其美英名光茂遭時
暫否福德衡門頌我慙勤屢辱德音思與結好以

永不刊

瞻彼蘭林有翹有秀有斐君子邦之碩茂厥德伊何
固天攸授如川之源如山之富回流清淵啓襟開裕
縉紳晞風民用胥附

猗猗碩人如玉如金浚其明哲冠廣德心習習凱風
吹我棘林飛鴉萃至允懷好音悠悠征徒輔德鮮任
嗟我猗人和樂實忱

在昔延州鵠鳴江涯今我陸子曠世繼音身垂千載
德音並馳漸鴻遵渚宛其羽儀安得高風騰翻天
飛龍蜿蜒山谷升氣猛虎嘯吟清風高厲情同來感
數垂身逝夷鮑齊懽專名故世愷悌君子民之攸憇
咨予遘時千載同愛

垂龔之會匪詩不宣嗟我懷人斯恩斯勤德音來訊
有蔚其文菽菽愧免匪迹不存誠在心德愛結忘言

南衡五章

陸贈

南衡美君子也言君子遯世不悶以德存身作者思

其以德來仕又願言就之宿感白駒之義而作是詩

焉

南衡惟岳峻極昊蒼瞻彼江湘惟水泱泱清和有合俊
又以葳天保定爾茂以瓊光景秀濛汜穎逸扶桑我之
懷矣休音俊揚

穆穆休音有來爾雍沉波涌奧淵芳馥風儵虛養恬照
日遺蹤考槃遵渚思樂潛龍我之懷矣冥爾華宮
和璧在山荆林玉潤之子于潛清輝遠振克稱輔德作
寶有晉和聲在林羽儀未變我之懷矣有客來信

風雲有作應通山淵清琴啓彈宮商乘絃類族知感有
命自天夷叔希世猶謂比肩矧我與子始會斯年
我之懷矣在彼北林北林何有於煥斯文瓊瑰非寶尺
牘成珍豐華非妙得意惟神河魴登俎遺荅清川

南山

五章

鄭荅

南山酌至德也有退仕衡門脩道以養和棄物以
存神民思其治士懷其德或思置之列位或思從
之信宿詩人嘉與此賢當年相遇又屢獲德音情
懽心至故作是詩焉

陟彼南山言采其蕭樂只君子邦家之翹克茂厥猶

輶德是收聊道以儉廣愛以周嗟我懷人永好

千秋

瞻彼江潭言釣其鱸有美碩人自公退處羔裘逍遙

輶德是舉白駒遯時世事孰與思我倚人實之晉序

有客信信獨寐寤語

天高地卑玄黃烟煜人道交泰自昔先民耽文合好

輔德與仁管叔罕僑曠世難鄰脩組施結玄弁生塵

容我與子遘會當身琴瑟在御永愛纏綿

瞻彼江澳言詠其潭所謂伊人在水之陰養和以泰

樂道之潛錦衣尚綈至樂是耽與言永思繫懷所欽
愛而不見獨寐寤吟
詩以言志先民是經乃惠嘉訊德音惟馨欽詠繁藻
永結中情華文傷實世士所營達人神化反之混真
交棄其數言取其誠思與哲人獨寶其貞

神游具高崗

四章

陸贈

瞻彼高崗有猗其桐允也君子實寶南江貞規啓俗沉
矩履方泳此明流清瀾川通陟彼衡林味其回芳
馥馥回芳綢繆中原祁祁庶類薄采其芬栖遲泌丘容

與衡門聲播東汜響溢南雲

穆穆閭闔南端啓籥庶明以庸帝聽式闕有鳳于潛在
林栖翮非予之祚孰與好爵

幽居玩物顧景自頤發憤潛惟仞拂有思予美忘此終
然胥來企予與言惟用作詩

中陵

四章

鄭荅

瞻彼中陵蘭黃猗猗允矣君子樂且有儀沉仁育物
玄聰鏡機德充闡庭名逸南畿祁祁俊友言酌
鼓鐘于宮百里震聲疊疊令問歸我偉貞厥震伊何

言依

駿奔以驚厥問伊何民胥以寧有鶴在陰非子誰鳴
我有好爵非子孰盈
潛龍遇初有鳳戢翬王猶未泰彝倫錯違臯門重闢
資爾啓扉庶績適敷非爾焉綏翼翼京宇俟爾攸晞
民之胥望如渴如飢

德音來惠覆玩三周沉潤淵洞逸藻雲浮結心所親
曷變曷渝路隔津梁一葦限殊終朝之思三秋是踰
愛而不見興言踟躕

荅孫顯世十章

邈矣上祖垂休萬葉廣問弘被崇軌峻躡高山克荒大
川利涉繁藹惟枯風連雲接

大人有作二后利見九功敷奏七德勸薦鼎寶重芳勞
烈再扇奕世弘道天祿來宴
道弘振古祚未替今如彼在川亦有浮沉大韶既素響
非我音豈曰荒止塗弗克尋

昌風改物豐水易瀾百川總紀四海合源在彼焉取聿
來莫觀曾是褊心敢忘丘園
負暉偏照玄澤謬盈發彼承華頓此增城紀景靈雲倦

遊紫庭匪曰能知寔忝長嬰
煥矣金虎襲我皇猷孰云匪
去仰媿蒼流往蹇來反弭
迹一丘變彼東朝言即爾謀
振振孫子洪族之紀志擬龍
潛德配麟趾引服朗節克
明峻軌遵彼中臯於穆不已
於穆不已大都是階之子于
命民膺如隕厚德時邁協
風允諧惠此海湄俾也可懷
乃眷丘林樂哉河曲解紱披
褐投印懷玉遺情春臺托
蔭寒木言念伊人温其在谷

道俟人行辭以義輯和容過表余未云執惠音弘播清
風駿集懷德形撫臨篇景立

贈陸士龍十章

孫拯 字顯世吳郡
富春人能屬

文吳黃門郎入晉為涿令陸
機被巫收拯考掠遂死獄中

五龍戢號雲鳥纂紀淳化既離義風肅始軒冕垂容
文教乃理奕奕英族盛德豐祀
於赫皇吳應天統元蒸文烈公光讚懿勳九命重輝
恭德彌勤華散龍襲藻金石載振
淵哉陸生本顯洪胄亦崇懿風邈比弘裕無兢惟德

豐光伊茂文以義好施以仁富
山積惟峻道隆名遐潛景在淵龍躍承華既升爾儀
誰不允嘉有淮重深載清其波
濟濟皇朝峩峩髦士序爵以賢惟俊萃止翩翩二官
令問不已乃遷華閣皇典斯紀
思文大謨恢我王猷清風肆穆雅憲允休邁彼江川
邈此北流微言蘭馥玉藻雲浮
遭時之險虎宰滔天憑德羨重繫此俊賢休否既亨
名以德淵清微伊鑠鑠之彌堅

本明明大象玄監照微顯允君子求福不回善挹引慶
無險以德祈澄濁以靜罔久不暉
門釋彼遊寄樂此窈貞形以神和思以道新青雲方乘
芳餌可捐達觀在一萬物自賓
寂寂重門誰和子音瞻彼晨風思託茂林

四言失題 八章

悠悠縣象昭回太素清濁迭興升降啓度遺和既爽季
春告暮朱明來思青陽受煦
日征月盈天道變通大初陶物造化為功四月惟夏南

征觀方凱風有集飄颻南窓思樂萬物觀異知同
有奄萋萋甘雨未播黍稷方華中田多稼庭槐振藻園
桃阿那薄言觀物在堂知化
蓬戶惟情玩物一室明發有懷念昔先哲通夢幽人彷彿遺烈清暉在天孰與永日景思
乃啓遺籍思予大觀幽居傲物願景怡顏况惟解舞衡
門重關思媚古人有懷良盤沉曦含輝芳烈如蘭
厥初生民有物有類自古有稱大寶以位征徒式好俊
奔攸遂啓予有聞誨爾達貴

達貴伊何天爵無榮渾淪大昧混其濁清毀方遜象遺
頑履貞道實藏器景以昭形

芒芒陋世奚兢奚錯牧彼紛華委之冲漠漂志垂天矯
心馮閣通好莊冊儀形有作安得達人顧予命薄

失題 六章

思樂芳林言采其菊衡薄遵塗中原有菽登彼脩巒在
林寤宿彷彿佳人清顏如玉
予美亡此誰爲適道容與俟之玄髮方皓躑躅山阿玩
此芳草願食其穎庶以遺老

豐豐嘉時飄忽棄予有瞻逝深永嘆潜泔登願扶桑仰
結飛畧伊人匪存遺芳孰與
精氣爲物或降或升徂落攸徃神奇有登死生爲徒存
亡曷勝謂予不信遺籍有徵
閒居外物靜言樂幽繩樞增結甕牖綢繆和神當春清
節爲秋天地則爾戶庭已悠
嗟我懷人悠悠其潜念昔先烈有懷所欽駭情玩世堂
允南金瓊輝邈矣誰適爲心明發興言忼慨芳林

失題

美哉良友真德坤靈明照遠鑒幽微研精超跡皇英質
如瑤瓊贈我翰林示我丹誠道同契合體異心并自頃
西徂合于五樓遙想歡懽觀我良疇亦既至止願言莫
由室邇入焉中情則憂抱恨東遊神徃形留何以合忍
寄之此詩何以寫思記之斯辭我心愛矣歌以贈之無
祕爾音不我是貽

同前

有美一人芳問芬葩嗟我欽羨夢想光華亦既至止上
下欣嘉德馥秋蘭容茂春羅淑似令娣惟予陋何雖有

良友朽木難加愛樂朋規贈以斯歌皆能載之其美孔
多嗟痛薄祜並罹哀苦堂構既崩過庭莫覩我悴西隣
子沉東土契闊艱辛誰與晤語身滯情往神遊影處發
夢宵寐以慰延佇

答兄平原

以下五言
原贈詩見前

平

悠悠塗可極別促怨會長街思

善作
思

戀行邁與言在臨

觴南津脊絕濟北渚無河梁神往同逝感形留悲參商
衡軌若殊迹牽牛非服箱

答張士然

行邁越長川飄飄冒風塵通波激狂渚悲風薄丘榛脩
路無窮迹井邑自相循百城各異俗千室非良隣歡舊
難假合風土豈虛親感念桑梓域髮鬢眼中人靡靡昔
夜遠眷眷懷苦辛

為顧彥先贈婦往返四首

詩林大系

我在三川陽子居五湖陰山海一何曠譬彼飛與沉目
想清蕙姿耳存淑媚音獨寐多遠念寤言撫空衿彼美
同懷子非爾誰為心
悠悠君行邁榮榮妾獨止山河安可踰永路隔萬里京

室多妖冶粲粲都人子雅步擢纖腰巧言發皓齒佳麗
良可美衰賤焉足紀遠蒙眷顧言銜恩非望始
翩翩飛蓬征郁郁寒水縈遊止固殊性浮沉豈一情隆
愛結在昔信誓貫三靈秉心金石固豈從時俗傾美目
逝不顧纖腰徒盈盈何用結中款仰指北辰星

浮海難爲水游林難爲觀容色貴及時朝華忌日晏皎
皎彼姝子灼灼懷春粲西城善雅舞總章饒清彈鳴簧
發丹唇朱絃繞素腕輕裾猶電揮雙袂如霧散華容溢
藻帷哀響入雲漢知音世所希非君誰能讚棄置北辰
星問此玄龍煥時暮復何言華落理必賤

失題

見藝文
芙蓉部

綠房含青實金條懸白璆俯仰隨風傾煒燁照清流

闕

同前

見藝文
蕭部

逍遙近南畔長嘯作悲歎

闕

詩紀卷之二十七

詩紀卷之二十八

晉八

潘岳

字安仁，荊陽中牟人。美姿儀，少以才穎發名。善屬文，清綺絕世。舉秀才為郎，遷河陽懷二縣令。

入補尚書郎，累遷給事黃門侍郎。素與孫秀有隙，及趙王倫輔政，秀遂誣岳與石崇為亂，誅之。詩

品曰：潘岳詩其源出於仲宣，翰林歎其翩翩然如翔禽之有羽毛，衣服之有綃縠，猶淺於陸機。謝混

云：潘詩爛若舒錦，無處不佳。陸文如披沙簡金，往往見寶。嶸謂益壽輕華，故以潘為勝。翰林薦論故

謂陸為深，余常言陸才如海，潘才如江。孫興公曰：潘文淺而淨，陸文深而蕪。

關中詩

十六章

惠帝元康六年，氏賊齊萬年與楊茂於關中反亂。既平，帝命諸臣作關中詩。岳上表曰：

詔臣作關中詩輒奉詔竭愚作詩一篇按漢紀孝明時護羌校尉竇林上降羌顛岸以為羌豪岸兄顛吾復降問事狀林對前後兩屈坐誣罔下獄死齊萬年編戶隸屬為日久矣而死生異辭必有訛謬故引證俞以懲不恪

於皇時五臣作乃晉受命既固三祖在天聖皇紹祚德博化

光刑簡枉錯微火不戒延我寶庫

蠢爾戎狄狡馬思肆虞我國青窺我利器嶽牧慮殊威

懷理二將無專策兵不素肄

翹翹趙王請徒三萬朝議惟疑未逞斯願桓桓梁征高

牙乃建旗蓋相望偏師作援

虎視耽耽威彼好時素甲日耀玄幕雲起誰其繼之夏

侯卿士惟系惟處別營碁時

夫豈無謀戎士承平守有完郭戰無全兵鋒交卒奔孰

免孟明飛檄秦郊告敗上京

周殉師令身膏氏芥人之云亡貞節克舉盧播違命投

畀朔土為法受惡誰謂荼苦

哀此黎元無罪無辜肝腦塗地白骨交衢夫行妻寡父

出子孤俾我晉民化為狄俘

亂離斯瘼日月其稔天子是矜肝食晏寢主憂臣勞孰

不祇慙愧無獻納尸素以甚

皇赫斯怒爰整精銳命彼上谷指日遄逝親奉成規稜

威遐厲首陷中亭揚聲萬計

兵固詭道先聲後實聞之有司以萬為一紂之不善我

未之必虛晶滄德繆彰甲吉

雍門不啓陳汧危徧觀遂虎奮感恩輸力重圍克解危

城載色

五臣作邑

豈曰無過功亦不測

情固萬端于何不有紛紜齊萬亦孔之醜曰納其降曰

梟其首疇真可掩孰偽可久

既徵爾辭既蔽爾訟當乃明實否則證空好爵既

五臣作自

靡顯戮亦從不見實林伏尸漢邦

周人之詩寔曰采薇北難獫狁西患昆夷以古况今何

足曜威徒愍斯民我心傷悲

斯民如何荼毒于秦師旅既加饑饉是因疫癘淫行荆

棘成榛絳陽之粟浮于渭濱

明明天子視民如傷申命羣司保爾封疆靡暴于衆無

陵于疆惴惴寡弱如熙春陽

為賈謚作贈陸機

一章

肇自初創二儀網緼粵有生民伏羲始君結繩闡化八
象成文芒芒九有區域以分
神農更王軒轅承紀畫野離疆爰封衆子夏殷旣襲宗
周繼祀綿綿瓜瓞六國互峙

疆秦兼并吞滅四隅子嬰面觀漢祖膺圖

五臣作符

靈獻徵

弱在涅則渝三雄鼎足孫啓南吳

南吳伊何僭號稱王太晉統天仁風遐揚僞孫銜璧奉
土歸疆婉婉長離凌江而翔

長離云誰咨爾陸生鶴鳴九臯猶載厥聲况乃海隅播

名上京爰應旌招撫翼宰庭

儲皇之選實簡惟良英英朱鸞來自南岡曜藻崇正玄
冕丹裳如彼蘭蕙載採其芳

藩岳作鎮輔我京室旋反桑梓帝弟作弼或云國宦

五臣

作官清塗攸失吾子洗然恬淡自逸

廊廟惟清俊又是延擢應嘉舉自國而遷齊轡群龍光
讚納言優游省闈珥筆華軒
昔余與子繾綣東朝雖禮以賓情通友僚嬉娛絲竹撫
鞞舞韶脩日朗月携手逍遙

自我五臣離群二周于今雖簡其面分著情深子其超

矣實慰我心發言為詩俟望好音宣恒在南稱

欲崇其高必重其層立德之柄莫匪安善作

甘度北則橙崇子鋒穎不頽不崩因

北芒送別王世胄詩自

朱鑣既揚四轡既整駕言餞行告離芒嶺情有遷延日

無餘影迴轅南翔心焉北騁

家風詩

縮髮縮髮亦髮一作止日祇日祇敬亦慎止靡專靡

有受之父母鳴鶴匪和析薪弗荷隱憂孔疚我堂靡構

義方既訓家道頽頽豈敢荒寧一日三省

於賈謐坐講漢書

治道在儒弘儒由人顯允魯侯文質彬彬筆下摛藻席

上敷珍前疑惟辨舊史惟新惟新爾史既辨爾疑延我

寮友講此微辭

離合

佃漁始化人民穴處意守醇樸音應律呂棄梓被源卉

木在野錫鸞未設金石拂舉害咎蠲消吉德流普谿谷

可安奚作棟宇嫣然以意馬惧外侮熙神委命已求多

祐嘆彼季末口出擇語誰能墨識藝文作誠言喪厥所壟畝

之諺龍潜岩阻尠義崇亂少長失叙思揚容姬難堪

金谷集作詩

王生和鼎實石子鎮海沂親友各言邁中心悵有遠何

以叙離思攜手游郊畿朝發晉京陽夕次金谷湄迴谿

縈曲阻峻阪路威夷綠池泛淡淡青柳何依依濫泉龍

鱗瀾一作澗激波連珠揮前庭樹沙棠後園植烏桺靈囿

繁石善作若榴茂林列芳梨飲至臨華沼遷坐登隆坻玄

醴染朱顏但憩杯行進揚桴撫靈鼓簫管清且悲春榮

誰不慕五臣作耀歲寒良獨希投分寄石友白首同所歸

河陽縣作二首

微身輕蟬翼弱冠忝嘉招在夜妨賢路再升上宰朝猥

荷公叔舉連五臣作遠陪廁王寮長嘯歸東山擁耒耨時藹

幽谷茂纖葛峻巖敷榮條落英隕林趾飛莖秀陵喬卑

高亦何常升降在一朝徒恨良時泰小人道遂消譬如

野田蓬幹流隨風飄昔倦都邑游今掌河朔徃登城眷

南顧凱風揚微綃洪流何浩蕩脩芒鬱崑崙誰謂晉京

遠室邇身實遼誰謂邑宰輕令名患不劭人生天地間

百年孰能要頰

五臣作欬

如槁

五臣作敲

石火瞥若截道飈齊都

無遺聲桐鄉有餘謚福謙在純約害盈由於矜驕雖無君

人德視民庶不怵

日夕陰雲起登城望洪河川氣冒山嶺驚湍激巖阿歸

鴈映蘭時

五臣作時音止

游魚動圓波鳴蟬厲寒音時菊耀秋

華引領望京室南路在伐柯大厦

五臣作夏

緬無覲崇芒鬱

嵯峨總總都邑人擾擾俗化訛依水類浮萍寄松似懸

蘿朱博糾舒慢楚風被琅邪曲蓬何以直託身依叢麻

黔黎竟何常政成在民和位同單父邑愧無子賤歌豈

敢陋微官但恐忝所荷

在懷縣作二首

南陸迎脩景朱明送未垂初伏啓新節隆暑方赫曦朝

想慶雲興夕遲白日移揮汗辭中字登城臨清池涼飈

自遠集輕襟隨風吹靈圃耀華果通衢列高椅瓜瓞蔓

長苞薑芋芬廣畦稻栽肅阡阡黍苗何離離虛薄乏時

用位微名日卑驅後宰兩邑政績竟無施自我違京輦

四載迄于斯器非廊廟姿屢出固其宜徒懷越鳥志眷

戀想南枝

春秋代遷逝四運紛可喜寵辱易不驚戀本難為思我
來冰未泮時暑忽隆熾感此還期淹歎彼年往駛登城
望郊甸游目歷朝寺小國寡民務終日寂無事白水過
庭激綠槐夾門植信美非吾土祇攪懷歸志眷然顧輦
洛山川邈離異願言旋舊鄉畏此簡書忌祇奉社稷守
恪居處職司

內顧詩二首

廣文選作
潘尼者非

靜居懷所歡登城望四澤春草鬱青青桑柘何奕奕芳
林振朱榮深水激素石初征冰未泮忽馬衫絺綌漫漫
三千里迢迢遠行客馳情戀朱顏寸陰過盈尺夜愁極
清晨朝悲終日夕山川信悠永願言良弗獲引領訊歸
期沉思不可釋

獨悲安所慕人生若朝露綿邈寄絕域眷戀想平素爾
情旣來追我心亦還顧形體隔不達精爽交中路不見
山下松隆冬不易故不見澗邊栢歲寒守一度無謂希
見踈在遠分彌固

悼亡詩三首

荏苒冬春謝寒暑忽流易之子歸窮泉重壤永幽隔私
懷誰克從淹留亦何益傴僂恭朝命迴心反初後望廬
思其人入室想所歷帟屏無髮髯翰墨有餘跡流芳未
及歇遺挂猶在壁悵恍如或存周遑五臣作惶忡驚惕如彼
翰林鳥雙栖五臣作飛一朝隻如彼游川魚比目中路析春
風緣隙來晨雷承簷滴寢息何時忘沉憂日盈積庶幾
有時衰莊缶猶可擊

皎皎窓中月照我室南端清商應秋至溽暑隨節闌凜
凜涼風升始覺夏衾單豈曰無重纊誰與同歲寒歲寒

無與同朗月何朧朧展轉盼枕席長簾竟牀空牀空委

清塵室

一作空

虛來悲風獨無李氏靈髮髯覩爾容撫衿

長歎息不覺涕霑

五臣作淚沾

曾霑曾安能已悲懷從中起

寢興目存形遺音猶在耳上慚東門吳下愧蒙莊子賦
詩欲言志此志難具紀命也可柰何長戚自令鄙

曜靈運天機四節代遷逝淒淒朝露凝烈烈夕風厲柰
何悼淑儷儀容永潛翳念此如昨日誰知已卒歲改服
從朝政哀心寄私制茵幘張故房朔望臨爾祭爾祭詎
幾時朔望忽復盡衾裳一毀撤千載不復引壘壘暮月

周戚戚彌相愍悲懷感物來泣涕應情隕駕言陟東阜
望墳思紆軫徘徊墟墓間欲去復不忍徘徊不忍去徒
倚步踟躕落葉委埏側枯葉帶墳隅孤魂獨煢煢安知
靈與無投心遵朝命揮涕強就車誰謂帝宮遠路極悲
有餘

哀詩

淮如葉落樹遶若雨絕夫雨絕有歸雲葉落何時連山
氣冒岡嶺長風鼓松柏堂虛聞鳥聲室暗如日夕晝愁
奄逮昏夜思忽終昔展轉獨悲窮泣下沾枕席人居天
地間飄若遠行客先後詎能幾誰能弊金石

思子詩

造化甄品物天命代虛盈柰何念稚子懷竒隕幼齡追
想存髮鬢感道傷中情一往何時還千載不復生

別詩

岳集曰堪為成都王軍司馬岳送至比印別作詩曰

微微髮膚受之父母峨峨王侯中外之首子親伊姑我

父唯舅

世說曰阮千里姨兄弟潘安仁中外安仁詩所謂子親伊姑我父唯舅是許允壻

潘尼

字正升少與從父岳俱以文章知名舉秀才為太常博士累拜太子舍人出為宛令入補尚書

郎齊王罔起義兵引為參軍事平封
安昌公歷中書令永嘉中遷太常卿

七月七日侍皇太子宴玄圃

商風初授辰火微流朱明送夏少昊迎秋嘉禾茂園芳
草被疇於時我后以豫以游

贈陸機出為吳王郎中令 六章

東南之美曩惟延州顯允陸生於今甚五臣作鮮儔振鱗南

海濯翼清流婆娑翰林容與墳丘

玉以瑜潤隋以光融乃漸上京羽善作乃儀儲宮玩爾清

藻味爾芳風泳之彌廣挹之彌冲

崑山何有有瑤有珉及爾同僚具惟近臣予涉素秋子

登青春愧無老成厠彼日新

祁祁大邦惟桑惟梓穆穆伊人南國之紀帝曰爾諧惟

王卿士俯僂從命奚恤奚喜

我車旣巾我馬旣秣星陳夙駕載脂載轄婉變二宮徘徊

徊殿闈醪澄莫饗孰慰饑渴

昔子忝私貽我蕙蘭今子徂東何以贈旃寸晷惟實豈

無璆璠彼美陸生可與晤言

荅陸士衡

顧茲蓬蔚厠根蘭陂膏澤雖均華不足披逮春不茂未
秋先萎子濯鱗翼我挫羽儀願言難常載合載離昔遊
禁闈祇畏夕惕今放丘園縱心夷易口詠新詩目玩文
跡予志耕圃爾勤王役慙無琬琰以訓尺璧

荅傅咸詩

并序

司徒左長史傅長虞會定九品左長史宜得其才屈
為此職執天下清議宰割百國而長虞性直而行或
有不堪余與之親作詩以規焉

悠悠群吏非子不整嗷嗷衆議非子不靖忽荷畧紐握

綱提領矯矯貞臣惟國之屏

皇太子集應令

聖朝命方岳爪牙司北鄰皇儲延篤愛設餞送遠賓誰
應今日宴具惟廊廟臣置酒宣猷庭擊鼓靈沼濱羽觴
飛醕醪芳饌備奇珍巴渝二八奏妙舞鼓鐸振長袪一作
袂生迴飄曲裾揚輕塵

皇太子社

太簇協青陽履端發歲首孟月涉初旬吉日唯上酉我
后邇天休設社祈遐者

三月三日洛水作

晷運無窮已時逝焉可追斗酒足為歡臨川胡獨悲暮
春春服成百草敷英蕤聊為三日遊方駕結龍旂廊廟
多豪俊都邑有艷姿朱軒蔭蘭皋翠幙映洛湄臨崖濯
素手步水擘輕衣沉鈎出比目舉弋落雙飛羽觴乘波

進素俎隨

初學作逐流歸

贈河陽詩

叔潘岳為河陽令

處生化單父子竒泣東阿桐鄉建遺烈武城播絃歌逸
騏騰夷路潛龍躍洪波弱冠步鼎鉉既立宰三河流聲

馥秋蘭擗藻豔春華徒羨天姿茂豈謂人爵多

贈侍御史王元貺

崑山積瓊玉廣厦構衆材游鱗萃靈沼撫翼希天階膏
蘭孰為消濟治由賢能王侯厭崇禮迴迹清憲臺蠖屈
固小往龍翔迺大來協心毗聖世畢力讚康哉

贈長安令劉正伯詩

遊鸞憑太虛騰鱗託浮霄過蒙嘉時會假翼陵扶搖疲
憊充時乏及余再同僚並跡侍儲宮攜手登皇朝劉侯
撫西都邁績參豹喬德厚化必深政明姦自消萬守由

積篲千里一步超爾其騁逸軌遠塗固可要

贈隴西太守張正治詩

二八由唐顯周以多士隆群靈感韶運理翮應翔風張
生拔幽華蘋繁登二宮未幾振朱錦剖符撫西戎及子
仍回僚贈言貽爾躬威刑有時用唯德可令終

贈滎陽太守吳子仲詩

大晉盛得人儲宮畜髦士吳侯降高管剖符授千里番
覆豈他鄉迴光臨桑梓寮類感岐路黎庶思知耻老氏
喻小鱗曹叅寄獄士無謂弊邑陋覆篲由茲起

答楊士安詩

逝將辭儲宮栖遲集南畿不悞百里賤徒惜年志衰躄
踏顧城闕怨戀慕端闈俊德貽妙詩敷藻發清微媿彼
褒崇過感此岐路悲

送盧景宣詩

楊朱焉所哭岐路重別離屈原何傷悲生離情獨哀知
命雖無憂倉卒意低迴歎氣從中發灑淚隨襟頽九重
不常鍵閭闔有時開愧無貯衣獻貽言取諸懷

迎大駕

南山鬱岑峯洛川迅且急青松蔭脩嶺綠蘂被廣隰朝
日順長塗夕暮無所集歸雲乘輻浮淒風尋帷入道逢
深識士舉手對吾揖世故尚未夷峻函方嶮澁狐狸夾
兩轅豺狼當路立翔鳳嬰籠檻騏驥見維繫俎豆昔嘗
聞軍旅素未習且少停君駕徐待干戈戢

逸民吟

我顧傲世自遺舒志六合由巢是追沐浴池洪迅羽衣
陟彼名山採此芝薇朝雲變驥行露未晞遊魚群戲翔
鳥雙飛逍遙博觀日晏忘歸嗟哉四士從我者誰

釋苒詩

以下
闕文

敦書請業研幾通理尊師重道釋苒崇祀德成教倫孰
云不祉

送大將軍掾盧晏

贈物雖陋薄識意在忘言瓊琚尚交好桃李貴往還蕭
艾苟見納貽我以芳蘭

贈汲郡太守李茂彥

潘尼贈二李郎詩序曰元康六年尚書吏部
郎汝南李光彥遷汲郡太守都亭侯江夏李
茂魯遷平陽太守此二子皆弱冠知名歷職
顯要旬月之間繼踵名郡離儉劇之勤就放
尚

曠之逸枕鳴琴以俟遠致
離別之際各斐然賦詩

離索何惆悵後會未可希
河朔貴相忘岐路安足悲

贈劉佐

要言將誰苦聊以貽友生
念我二三賢規我無隱情

詩紀卷之二十八

